

INUIT ATAQATIGIIT

Inatsisartuni



UKA 2018/ 49 & 81 & 140
17. oktober 2018
Stine Egede

(49/2018)

Peqquserluuteqartarnerup akiorniarnerani suliniutit qanoq nukittorsarneqarsinnaanerat pillugu UKA 2019-mi nassuaammik innersuussutitalimmik agguaasseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Nassuaammi aamma allaasereqquneqarput iluaqtissat ajoqutillu aamma aningaasatigut kingunissat inatsisitigullu tunngavissat, arlaannaannulluunniit attuumassuteqanngitsumik Peqquserlutsaaliuisussanik pilersitsisoqassasuuppat taamatullu aamma peqquserlutsaaliuisussat pillugit inatsisiliortoqassasuuppat, peqquserluuteqartarnerup akiornerani suliniutinik katersiviusussamik.

(Inatsisartunut ilaasortaq Steen Lynge, Demokraatit)

(81/2018)

Immikkoortortamut arlaannaannulluunniit naammattumik attuumassuteqanngitsumut whistleblowerit pillugit misissuineq nooqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortaq Tillie Martinussen, suleqatigiissitsisut)

(140/2018)

Namminersorlutik Oqartussat ingerlatseqatigiiffiini whistleblowerit pillugit aaqqissuussinermik eqqusseqqullugit Naalakkersuisut peqquneqarnissaannik Inatsisartut aalajangiiffigisassatut siunnersuut.

(Inatsisartuni ilaasortaq Steen Lynge, Demokraatit)

Inuit Ataqatigiinniit oqallisissiat immikkoortut pingasuuusut, imaattumik oqaaseqarfigissavagut.

Siullermilli erseqqissassavarput pissaanermik atornerluineq, peqquserluttuliorneq, inuiaqatigiillu aningaasaataannik atornerluineq akuersaannginnatsigu, akuersaanngisaanassallugulu.

Pisortani atorfegarneq; atorfilittaagaani, sulisuugaanni qinikkatulluunniit suligaanni annertuumik akisussaaffiliivoq. Inuaqatigiit ingerlanneqarneranni, taamalu akileraartartut akiligaannik sulinermi unneqqarissuunissaq, tatiginartumillu pissuseqarnissaq minnerpaamik piumasaqaataasariaqarpoq.

Ajoraluwartumilli ukiuni kingullerni pissutsit akuersaerneqarsinnaanngitsut takusalerimavagut, taamaattumillu pisariaqalersimammat Inuit Ataqatigiinni siunnersuuteqarnitta kingunerisaanik, partiillu tamarmik tapersigaannik, nunatsinni Whistleblower-eqarneq 2015-mi atuutilersinneqarpoq.

Taamaattumik Naalakkersuisut suliaqaqqullugit peqquneqarnissaannik nassuaammik innersuussutitalimmik, kiisalu iluaqtissaartaanik ajoqtissartaanik takussutitalimmik aammalu aningaasatigut kingunissaanik, inatsisitigullu tunngavissanik qulaajaasussanik isumaqatigaarput.

Silarsuarmioqataajartornitsinni inuaat allat periusii, ilaatigut unneqqarinnginnermik peqquserlunnermillu aallaavillit, annerusumik minnerusumilluunniit maani aamma atugaaleriartorput.

Whistleblower-eqarnerup atuutilerneraniit ukiut marluk qaangiunneranni nalilersuinermi erserpoq, saaffiginnittartut amerlagisassaanngitsut, tassami saaffiginnissutit arfineq marluusimapput, arfinillillu suliassavittut ingerlanneqarsimallutik naalakkersuisoqarfinni susasaqartuni.

Saaffiginnittarnerup Intern Revisionimut inissinneqarsimanera immini ajorunanngikkaluarpoq. Taamaakkaluartorli ilaatigut annilaanngatigineqarsinnaavoq saaffiginnikkusukkaluit nalunngikkunikku suleriaaseq qanoq ittuunersoq, imaassinjaasoq tunuarsimaarfigisaraat, qunugisinjaalluguluunniit. Tassami maanna periuseq atuuttoq imaammat Intern Revision nalilersuereeruni, suliassaq naalakkersuisoqarfimmut susasaqartumut ingerlatussaavaa, misissuivinnissarlu aatsaat tassani suliarineqalissaq. Annilaanngatigisinjaavarput aterminnik taasinatik saaffiginnikkumasinjaagaluit, qunulersinneqarsinnaaneri namminneq pisortaminnik misissuineq ingerlanneqarpat nalunaartuuusimanertik paasineqaqinammat.

Soorunalimi aamma imaassinjaavoq sulisut tamarmik ilisimanngikkaat Whistleblowereqarneq periarfissaasoq, imaluunniit soorpiarnersoq.

Siunnersuutigineqartup pingajuat Whistleblower-eqarnerup namminersorlutik oqartussat pigisaanni suliffeqarfinni atuutinneqarnissaa inissaminiiginnarpoq.

Suliffeqarfuummi taakkua pisortanik pigineqarput, taamaattumillu sulisut aamma assinganik periarfissaqartinneqartariaqarput.

Taamak oqaaseqarluta, siunnersuutit tamaasa taperserlugin, ataatimiititalianut susassaqartunut ingerlateqqippavut.

Qujanaq